



**Allahov Poslanik, sallallahu alejhi ve sellem, reče:  
'Oporučujem vam bogobožnost, pokornost vladaru,  
pa čak kad bi rob postao vaš zapovjednik. Zaista, ko  
poživi od vas nakon mene, vidjet će mnoga  
razilaženja, pa se prihvatite moga sunneta i sunneta  
pravovjernih i u vjeri iskrenih halifa;**

Prenosi se od Ebu Nedžiha, El-Irbada b. Sarije, radijallahu anh, da je rekao: "Allahov Poslanik, sallallahu alejhi ve sellem, nam je održao vaz od kojeg su srca zadrhtala i oči se orosile suzama, pa smo rekli: 'Allahov Poslaniče, kao da je ovo oprostajni govor pa nam nešto oporuči!' Allahov Poslanik, sallallahu alejhi ve sellem, reče: 'Oporučujem vam bogobožnost, pokornost vladaru, pa čak kad bi rob postao vaš zapovjednik. Zaista, ko poživi od vas nakon mene, vidjet će mnoga razilaženja, pa se prihvatite moga sunneta i sunneta pravovjernih i u vjeri iskrenih halifa; čvrsto se držite toga, kao kutnjacima. Dobro se čuvajte novina u vjeri, jer svaka novotarija je zabluda!'"

[صحيح] [رواه أبو داود والترمذي]

Allahov Poslanik, sallallahu alejhi ve sellem, jednom prilikom održao je jako dirljiv vaz radi kojeg su se srca pobjala i oči natopile suzama. Ashabi su se tada srčano obratili Poslaniku: "Allahov Poslaniče, kao da je ovo oprostajna poruka", budući da ih je njegov vaz prilično ganuo. Htjeli su da čuju savjet kojeg će se striktno pridržavati nakon što ih Poslanik napusti. Poslanik im kaza da se drže bogobožnosti tako što će raditi naređeno i ostavljati zabranjeno. Oporučio im je također da namjesnicima iskazuju poslušnost i pokornost, čak i ako bi se radilo o robu koji bi preuzeo vlast nad njima. Dakle, ako bi najmanje vrijedan Allahov rob bio namjesnik, nemojte se gnušati od pokornosti prema njemu iz straha od iskušenja koja vas mogu zadesiti u suprotnom. Ko bude od vas poživio, vidjet će brojna razilaženja. Zatim im je ukazao na izlaz iz toga. Pridržavajte se moga sunneta i sunneta pravednih i upućenih halifa poslije mene: Ebu Bekra, Omera ibnul Hattaba, Osmana ibn Affana i Alije ibn Ebi Taliba. Kutnjacima se prihvatite toga i ne popuštajte. Povrh toga, Poslanik ih je upozorio i na novotarije u vjeri. Zaista je svaka ta novotarija zabluda.

النجاة الخيرية  
ALNAJAT CHARITY

